



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Additio Ad Qvæstiones Selectas in 1. 2. S. Thom. olim
impressas**

Requesenius, Josephus M.

Romæ, 1675

Sectio VI.

urn:nbn:de:hbz:466:1-38791

tione. antecedens probavi lib. 4. de iustific. disp. 40. sect. 4. auctoritate Scripturæ, ac Patruin, & Augustini, qui epist. 157. ad Optatum sic loquitur, merito videretur iniustum, quod sunt vasa iræ in perditionem, si non esset ipsa uniuersa ex Adam massa damnata; quod ergo sunt inde nascendo vasa iræ, pertinet ad debitam pœnam. Tandem aio non posse doctrinam Augustini admitti in hac rerum serie, in qua decretus est Christus tamquam redemptor, ne dicatur venisse ad redimendum, ac neminem redemisse, quod esset contra dignitatem redemptionis.

SECTIO VI.

An concupiscentia de se sit bonum naturale hominis; an verò aliquod malum, seu defectus ortus ex peccato originali.

20. **H**Enricus de Noris acriter defendit tamquam dogma Augustinianum, quod concupiscentia sit per se mala, ac vitium huma-

mæ-

manæ naturæ ex primo peccato deriuatum. Subdit autem, hoc vitium esse morbidam qualitatem impellentem ad peccatum, ac realiter distinctam ab appetitu sensitivo, qui sicuti ea vitiositate est infectus post lapsum, ita eadem caruisset ante lapsum. Sic loquitur cap. 3. §. 2. vers. hanc Sancti Patris, adducens, & approbans testimonium Petri Aureoli in 2. dist. 30. art. 2. habitualis, inquit, rebellio appetitus sensitivi non est in nobis natura appetitus sensitivi tantum; hoc dico propter opinionem quorundam, qui dicunt quod appetitus relitus pure naturæ suæ, adhuc haberet in se habitualem illam rebellionem: ego dico quod de se est indifferens ad obediendum, vel non obediendum rationi, per aliquid autem additum, puta per qualitatem morbidam fit inobedientis rationi, & hæc conclusio est expressa sententia Augustini, & paulo post concludit, Deum non esse auctorem huius concupiscentiæ, ut babet Ioannes Bagocius lib. 5. demonstr. dogm. Christ. disp. 8. cap. 1. sect. 3. his

ver-

verbis, absit autem, ut quisquam Catholicus rei tam fœdæ, & ad malum importune incitantis, auctorem credat, cum tamen, si hominem nullo præcedente peccato cum illo peccati somite condidisset, tam eius, quā naturae humanae, & omnium naturalium qualitatum, facultatumq; auctoresset existimandus.

208 Contrariam ex mente Augustini sententiam defendo, ad eius explicationem. Præmitto primo concupiscentiam non esse formaliter peccatum, cum remaneat in baptizatis, in quibus nulla ineſt culpa, sublata per Baptismum, ut definit Trident. contra hæreticos affrentes concupiscentiam esse peccatum, ut refert Bellarm.lib 5. de amissione gratiæ cap. 5. quod etiam ex parte docuit Baius proposit. 74. his verbis, concupiscentia carnis in renatis relapsis in peccatum mortale, in quibus iam dominatur, peccatum est. Præmitto secundo cum Suarez Proleg. 4 cap. 2. num. 2. naturam humana in puris naturalibus constitutam includere animam cum omnibus suis

po-

potentijs spiritualibus, & corpus integrum cum omnibus facultatibus sensitivis, & earum naturalibus inclinationibus cum dispositione corporis, & organorum ad liberum illorum usum, & in hac compositione nude spectata includi rebellionem appetitus contra rationem, quæ quidem naturalis est, ut potè ortā ex necessitate quadam naturali trahente difficultatem in operatione virtutis, quam nos de facto experimur. iam vero natura humana cum ista naturali contrarietate, & repugnantiā appetituum dicenda est integra quoad vites omnes, & facultates naturales, hoc est non monstrosa, nec imperfecta priuatius, nempe per carentiam perfectionis debitæ naturæ, quamvis sit imperfecta negatiuè, id est sine perfecto ordine, & concordia potentiarum, & appetituum, cuius natura est capax sine debito illam habendi, hæc fere Suarez, quæ fusius repetit num. 10. & 11. Præmitto tertio, certum esse potuisse creari à Deo hominem in-

pu-

pura natura , quia nihil est , quod illum necessitaret ad danda dona supernaturalia , & indebita , vt ex Aug. epist. 95. & S. Thom. probat Suarez cap. 1. num. 16. in eo autem casu Deus crearet hominem purum à peccato , quia non infunderet in eo culpam , cum certum sit hominem esse expertem culpæ , si ab alio homine peccante originem non trahat , nec se peccatorem constituat in ipso instanti creationis , vt notat Suarez Proleg. 4. cap. 1. num. 4. Præmitto quarto concupiscentiam dupliciter sumi posse , primo pro potentia ad amplexum boni delectabili conformis , vel difformis rectæ rationi secundo pro ipso actuallī amplexu utriusque boni . His præmissis .

209 Dico 1. actualem inclinationem , qua appetitus trahit voluntatem ad bonum delectabile in honestum contra rationem , esse prauam , secus vero potentiam , quæ amplectitur bonum honestum , vel in honestum . Prima Conclusionis pars est certissima , quia quid magis

gis malum', quam quod est actu dif-
fentaneum suæ regulæ , eique actu
contradicit , cum actuali tractione
voluntatis ad amplexum rei inhono-
stæ. Secundam verò partem sic pro-
bo, voluntas , & liberum arbitrium ,
quamvis indifferens ad resistendum,
vel obediendum rationi, non est ma-
lum, sed perfectio creaturæ rationa-
lis, ergo etiam concupiscentia ac-
cepta pro potentia ad concupiscen-
tium aliquid contra , vel iuxta ratio-
nem , non est mala , etiamsi mala ,
sit eius actualis inclinatio , ac relu-
ctatio contra præscriptum rationis ,
aliter cogeri ambas potentias , &
vtrumque appetitum rationalem , ac
sensituum, seu superiorem , & infe-
riorem damnare, ut malum, aut lau-
dare , ut bonum , per hoc præcise
quod sit virtus inclinans ad ope-
randum difformiter , vel conformi-
ter ad suam regulam . Nec dicas
concupiscentiam post peccatum esse
inclinatam ad solum amplexum bo-
ni delectabilis dishonesti : ne in-
quam hoc dicas , quia sicuti ratio
ho-

honesti includit bonitatem delectabilem, ita & specificatum formale proprium appetitus sentientis est bonus iucundum, quod diuiditur in duas species, nempe in iucundum honestum, & dishonestum, ac proinde concupiscentia quando obedit sive sponte, sive coercita per rationem, tunc eius actus est bonus, ac meretur laudem ob conformitatem cum appetitu recto, a quo dirigitur, & cui subditur in concupiscendo hanc potius, quam bonitatem oppositam.

210 Argumentor secundo: natura humana constans ex anima, quae sit simul rationalis, sensitiva, & vegetabilis, debet includere, tam potentias rationales nempe intellectum, & voluntatem, quam potentias inferiores, nempe phantasiam, quae est potentia cognositiua, & appetitum sentientem, imo & potentias vegetatiuas, scilicet nutritiua, & augmentatiua, alioquin esset manca ex defectu cuiuscunque potentiae, quae illi deesset in singulis gradibus

vitæ, quos in se continet, ergò si Deus creasset hominem secundum sua naturalia sine donis gratuitis, vriue creasset illum cum omnibus his perfectionibus naturalibus, & & esset earum auctor, ac proinde non minus produceret in homine potentiam concupiscibilem, quam potentiam visuam, vel audituam, & consequenter concupiscentia sumpta pro hac virtute non est mala, sed bona, aliter Deus, vel fuisset causa malī, vel non creasset naturam cum omnibus potentijs, cum quibus exigit creari, quemadmodum non crearet ignem cum potentijs sibi debitiss, si conferret illi potentiam calefaciendi, non vero exsiccandi.

211 Dices, ergò Deus non creasset hominem rectum, quia potentia concupisendi bonum delectabile contra rationem, contradicit rectitudini, ideoque est poena peccati, quod homo habeat talēm concupiscentiam. Distinguo consequens, non creasset hominem rectum recti-

tudine naturali sibi debita, secundum ordinem puræ naturæ; nego, rectitudine sibi indebita consistente in donis gratuitis, concedo, hoc autem solummodo probat Deum non dare homini omnem rectitudinem, non verò non dare simpliciter rectitudinem. Ratio à priori, ut natura datur simpliciter recta, sufficit, si voluntas, seu pars superior, queat partem inferiorem frenare, ne excurrat ultra limites boni ab ipsa præscriptos, alioquin ni homo crearetur impeccabilis, & indeclinabilis à regula diuina, & creata, non produceretur rectus, quod vtique est falsum etiam supposito statu innocentiae, in quo Adam non solum potuit, sed etiam deflexit à sua regula, cum sua, & posteriorum pernicie. Nec obest, quod nunc sit poena peccati habere talem concupiscentiam, nam dicitur poena non præcisè ratione sui, sed ratione adnexæ denudationis à donis gratuitis, per quæ ita subordinaretur rationi, vt non posset contra eam insurgere, nec eius imperio

re-

resistere, ut habet S. Tho. quest. 4.
de malo art. 2. ad 7. sicut enim con-
cupiscentia contracta per originem, ni-
hil est aliud, quam destitutio inferio-
rum virium à retinaculo iustitiae origi-
nalis, ita malitia contracta non est
aliud, quam destitutio ipsius voluntatis
ab originali iustitia, & ideo S. Augu-
stinus lib. 3. de lib. arb. cap. 20. ait
hanc spoliationem doni gratuiti esse
pœnam, non quia homo factus est
malus, sed quia in pœnam peccati
desijt esse melior, cum ad ignoran-
tiā, difficultatemque peruererit illa
peccatrix, ideo pœna recte dicitur, quia
melior ante hanc pœnam fuit. Et re-
torqueo argumentum, homo in pura
natura haberet hanc concupiscen-
tiā, & non in pœnam peccati,
quod ipse nullum haberet in prima
sui productione, ergo concupiscen-
tia de se, neque est pœna peccati,
neque mala. Rursus Deus non fuit
auctor mali creans hominem in statu
innocentiae cum voluntate potente
ferri in malum, ergo nec dicen-
dus est auctor mali, si illum creet
cum

cum potentia concupisibili de se
inclinata ad bonum iucundum præ-
scindens ab honesto , vel in honesto.
insto ulterius, Deus reparauit ex me-
ritis Christi naturam lapsam, nec ta-
men hæc reparatio dicitur nō recta
per hoc, quod homo reparatus reti-
beat concupiscentiam reluctantem
rationi, ergo concupiscentia de se nō
reddit malam naturam, cum qua pro-
ducitur, etiam in statu reparationis .

212 Sed confirmo allatam ra-
tionem ex Augustino lib. 1. Retract.
cap.9. vbi explicans ea , quæ docue-
rat in tribus libris de libero arbitrio
contra Manicheos , scilicet malum
oriri à voluntate, non vero à mala
natura , quæ sit Deo coetera , &
quam, ut ipse refert ibidem cap. 15.
propriam carnis esse dicunt , ac gentis
esse tenebrarum , asserit primo im-
potentiam, quæ est in homine ad non
se temperandum à libidinosis operi-
bus non esse naturam instituti ho-
minis, sed pœnam damnati, hoc est,
quod homo non habeat illam po-
tentiam, qua valeat impedire prauos

Q

mo-

motus appetitus sétientis, est pœna irrogata Adamo, à quo fuit propter peccatum sublatum innocentiae donum, quo munita volūtas ita dominabatur appetitui, ut hic non poterat ei relūctari, eamque subiugare. secundo ad hanc miseriam iustæ dānationis pertinet gnorantia, & difficultas, quam rāmen miseriam negant Pelagiani oriri ex iusta damnatione Dei, negantes peccatum originale, à quo oritur. tertio afferit, quod licet hæc ignorantia, ac difficultas in temperandis concupiscentiæ motibus esset secundum primordialia naturæ, hoc est secundum ea, quæ natura in se includit independēter à dono integritatis, adhuc Deum fore laudandum, non culpandum, vt haber loc. cit. & lib. 2. de bono perseuerantiæ c. 11. post mediū, vbi ait, *quamvis ignorātia, & difficultas essent hominis primordialia naturalia, nec sic culpandus, sed laudandus esset Deus, sicuti lib. 3. de lib. arb. c. 18. & 20. disputauimus, quia dedisset naturæ, quæ sibi debentur, nempe appetitum sensituum ira potente resistere rationi*

ni , vt à ratione coerceri possit , ex quo infert lib. 3. de libero arbitrio cap. 20. naturam productam cum hac ignorantia , & difficultate non suscepisse utrumque in pœnam peccati , præfertim cum acceperit sapientiæ lumen , quo posset præponere quietem difficultati , sic enim loquitur : non enim mediocria bona sunt quod anima facultatem habeat , ut adiuante Creatore , seipsum excusat , & pio studio possit omnes acquirere , & capere virtutes , per quas , & à difficultate cruciante , & ab ignorantia cæcante liberetur , quod si ita est , non erit nascentibus animis ignorantia ; & difficultas supplicium peccati , sed proficiendi admonitio , & perfectio-
nis exordium . Non enim ante omne meritum boni operis paruum est accepisse naturale indicium , quo sapientiam præponat errori , & quietem difficultati , vt ad hæc non nascendo , sed studendo perueniat , quod si agere noluerit , peccati rea iure tenebitur , tamquam quæ non bene usæ sit ea fa-
cilitate , quam accepit , quanquam enim

Q 2 in

in ignorantia, & difficultate nata sit, non tamen ad permanendum in eo, quod nata est, aliqua necessitate comprimitur. Porro ex his sic argumentor: Augustinus non alio modo soluit argumentum Manichæorum, nimirum concupiscentia, seu potentia concupiscendi est mala, ergo non est à Deo, sed à mala natura, non inquam, alio modo soluit, nisi assumendo hoc principium, quod concupiscentia non sit de se mala, ideoque si Deus creasset hominem cum ea ignorantia, & difficultate ad bene operandum, quam contraximus per peccatum originale, adhuc esset laudandus, non culpandus, ut expresse notat Suarez proleg. 4. cap. 2. n. 14. quia homo sic institutus cum solis auxilijs naturæ debitum, interdum, ac sèpe posset honeste operari. adde quod tunc haberet hom. facultatem, ut adiuuante Creatore posset à difficultate, & ab ignorantia liberari, quamvis nunc dicatur mala eadem concupiscentia, in quantum est effectus pœnalis ortus ab originali, ratione cuius de-

me-

meruimus donum gratuitum, quo potentia inferior perfectè subordinabatur superiori, ut explicatum est.

213 Vrgeo, ideo ignorantia, & difficultas secundum sua naturalia, competens homini ex vi suæ naturalis originis non haberet pro Auctore Deum, quia impelleret ad malum, nec homo haberet à Deo vires, quibus tale malum posset impedire, ergo si hæc difficultas, & ignorantia superari possit per virtutem à Deo acceptam, adhuc recte dici potest Deum esse auctorem earumdem potentiarum, quarum vni mest difficultas, alteri vero potentia, & robur ad eam vincendam, vt recte concludit idem S. Doctor cap. 20. his verbis: *etiam si animæ alibi constituta eas misisset Dominus ad inhabitanda corpora, quibus in ipsa ignorantia, & difficultate liberam voluntatem petendi, & querendi, & conandi non abstulit, datus petentibus, demonstratus querentibus, pulsantibus aperturus, omnino extra culpam esset, hanc enim ignorantiam, & difficultatem studiosis,*

Q 3 &

¶ beneuolis euincendam ad coronam
glorie valere præstaret, negligentibus
autem, ¶ peccata sua de infirmitate
defendere volentibus, non ipsam igno-
rantiam, difficultatemque pro crimine
obijceret, sed quia in eis potius perma-
nere, quam studio querendi, atque di-
scendi, ¶ humilitate confitendi, atque
orandi ad veritatem, ac facilitatem
peruenire voluerunt, iusto supplicio
vindicaret, perpendat ergo Aduer-
sarius ab Augustino ipsam ignoran-
tiam, & difficultatem non obijcien-
dam esse hominibus pro crimine, &
consequenter cb illam dici non pos-
se, quod mala sit eorum concipi-
centia, aliter illis obijceretur, ut cri-
men, quod negat Augustinus. Fa-
teor ab eodem Augustino dici loco
citato, *primum hominem ad istam mi-
seriam perduxisse Posteros victimum pes-
simæ suæ fuisse, quam miseriæ susci-
piunt ad eum (hoc est Diabolum) vin-
cendum optima fide, non enim paruæ
glorie militia est Diabolum vincere*
eodem suscepto supplicio, quo se homi-
nem victimum perduxisse gloriatur, sed

mi-

miseriam appellat, non quia mala in se est, sed quia ex malo labis originalis processit.

214 Dico secundo non incurrisse posteros ex peccato originali qualitatem morbidam, per quam potentia concupiscendi reddatur mala, & inclinata ad solum bonum in honestum, ita Suarez proleg. 4. cap. 8. num. 11. vbi ait, *opinio de qualitate morbida, ut impossibilis, incredibilisque, ac sine fundamento ficta antiquata est, et ab omnibus relictā, &* num. 16. ait positionem morbidæ qualitatis, *vel habitus prœi superadditi potentys animi fictam esse, et improbabilem. cæterum hæc qualitas, & inclinatio ad delectabile in honestum potius esset admittenda in voluntate, in qua est formalis malitia, quam in appetitu, in qua est malitia solum denominativa, præsertim quod non est maior ratio, cur una, & non alia potentia decidat à statu suæ perfectionis naturalis.* Argumentor primo, hæc qualitas morbidæ non est habitus acquisitus, neque im-

Q 4. pref-

pressus, & veluti infusus, in appetitu sentiente posteriorum ab ipso peccato Adami, ergo non datur, prima assertionis pars à nemine, quod sciam, vocatur in dubium, quia habitus acquisiti generantur ex solis actibus, qui non sunt in posteris antecedenter ad eorum operationem, cuius esset auctor ipse Deus, cum primo producit animam rationalem, & unit eam corpori. Probo igitur secundam partem, hæc morbida qualitas non producitur physice à peccato Adami, quod physicè non est, quando homines producuntur, nec demeritorie, quia posteri per peccatum capitum amiserunt solam priuationem gratiæ, ac donorum, quæ meruissent, si Adam non peccasset, quandoquidem pactum fuit de sola transfusione bonorum supernaturalium, & naturalium indebitorum, nempe integritatis, & carentiæ fomitis, non vero de naturalibus perfectionibus, quæ naturæ secundum se spectatae conueniunt independenter à pacto, aliter potuissent fieri.

fieri pactum de dando intellectu , &
voluntate , ac facultatibus naturali-
bus , quo quid ridiculous . Vrgeo
per peccatum originale capit is in-
currunt posteri ea solummodo ma-
la , quæ non habuissent capite non
peccante , seu quod in idem reci-
dit , per peccatum originale capit is ,
nihil acquisiuimus , sed mere ami-
simus id , quod meruisse mus per
obedientiam eiusdem capit is , sed
ex obedientia Adami collata essent
sola dona gratuita , non vero aliquod
bonum naturale debitum naturæ ,
ergo ex eius inobedientia fuit so-
lummodo inducta primatio talis doni
gratuiti ; cum ergo natura ante pec-
catum personale non habuisset hanc
qualitatem morbidam , aliter Deus
non potuisset illam creare in puris
naturalibus , ne diceretur Auctor , &
causa mali moralis , seu qualitatis per
se impellentis ad solum malum mo-
rale , ita post peccatum mere origi-
nale relictæ fuit cum suis potentijs
naturalibus , & in eo statu , in quo
fuisset ante peccatum personale

Q 5 abf-

370 De effectibus
absque solis donis gratuitis, quapropter si daretur hæc qualitas deberet aliunde probari, quam ex contratione originalis.

3215 Et virgo efficacius, si per peccatum originale contraherent posteri hanc morbidam qualitatem, impellentem ad peccandum, utique pueri decedentes cum solo originali eandem qualitatem, & inclinationem retinerent in altera vita, quia perseverante causa, perseverat efficiens, sed hanc qualitatem pueri non retinent, quia ex doctrina S. Thomæ laudant, & amant Deum, & consequenter non concupiscunt delectabile honestum, per quam concupiscentiam dehonorablent potius, quam laudarent Deum, sic loquitur in 2. dist. 33. quæst. 2. art. 2. in corp. & ad 5. pueri non baptizati sunt separati à Deo quantum ad coniunctionem, quæ est per gloriam, non vero quantum ad coniunctionem naturalium bonorum, & ideo de Deo gaudebunt naturali cognitione, ac dilectione, & quæst. 5. de malo art. 3. in cor.
do-

docet hos pueros non habituros aliquid inordinatum, quia licet habeant peccatum originale, attamen non peccarunt peccato personali his verbis, post mortem non mutatur in anima dispositio voluntatis, neque in bonum, neque in malum, unde cum pueri ante usum rationis non habeant actum inordinatum rationis, neque etiam post mortem habebunt, lignum enim, ait Salomon, ubique ceciderit, ibi erit, siue ad Austrum, siue ad Aquilonem, per quae verba satis aperte declarat hanc nouam, & maiorem inclinationem ad malum non oriri, nisi ex peccato personali, quod dum carent pueri, non incurunt, neque recipiunt talem morbidam qualitatem inclinantem ad malum.

216. Argumentor 2. à pari in Angelis præuaricatoribus peccato personali remanserunt potentiae naturales sine donis gratuitis, non tamen cum morbida qualitate inclinante ad malum morale, & bonum dishonestum, quia eorum naturalia ex Doctrina Dionysij remanserunt

Q 6 splen-

splendidissima, ergo in posteris, qui
peccarunt solo peccato capitum, non
remanserunt potentiae naturales su-
periores, & inferiores affectae vlla
morbida qualitate impellente ad so-
lum bonum sensibile iahonestum,
præsertim, quod illa maior inclina-
tio potius debetur peccato proprio,
ac personali, quod est longe maius,
quam peccato originali, quod est
peccatum in alio, ideoque bene ad-
uertit Suarez proleg. 4. cap. 8. num. 6.
ex S. Thoma 1. par. quæst. 95. art. 1.
naturalia post peccatum eque mansisse
integra in Angelis, & homine. iuxta
doctrinam Dionysij, nec oppositum do-
cuisse 1-2. quæst. 85. art. 1. & ad 1.
& cap. 2. num. 9. infert integratatem
naturæ non esse donum naturale,
quia aliter post peccatum mansisset,
peccatum autem non tollit naturalia
ex Dionysio, & S. Tho. 1. 2. quæst. 85.
art. 6. & q. 89. art. 3. & 4. contra gen-
tes cap. 52. vbi innuit esse doctrinam
fidei, & num. 11. subdit hominem,
neque dici potuisse priuatum à Deo
hac integritate in pœnam peccati,
quia

quia de lege ordinaria non punie
peccata tollendo proprietates natura-
rales. ex quo vterius infert , concu-
piscentiam, & somitem , quem pati-
mur , esse quidem poenam peccati .
sed non aliquid oppositum perfe-
ctioni debitæ naturæ , & cap. 3. num.
7. rectè subdit contra Henricum
hominem in pura natura esse sub-
ditum morti , quæ tunc esset defe-
ctus, non poena naturæ .

217 Retorquent Aduersarij ar-
gumentum : Patres dicunt Angelos
non esse vulneratos in naturalibus ,
sed solos homines, ergo ex doctrina
Patrum concedendum est homini-
bus aliquod vulnus inflictum ob
peccatum capit, quod negatur An-
gelis præuaricatoribus præuaricatio-
ne personali . Sed retorsio nulla
est, quia Patres per eam locutionem
nolunt amissam esse ab homine per
peccatum originis aliquam perfe-
ctionem debitam naturæ ex vi suæ
conditionis naturalis , sed solum-
modo deperditum donum gra-
tuitum , ratione cuius non poterat
po-

potentia inferior contra rationem
insurgere, eique obluctari, quod qui-
dem vulnus non fuit in Angelo,
eiusque potentijs naturalibus, quia
in eo nulla erat, nec esse poterat re-
bellio appetitus inferioris contra
superiorem, vnde Augustinus do-
cuit; primos parentes erubuisse post
peccatum, quia tunc experti sunt ef-
fectus appetitus præuenientis ratio-
nem, eique aduersantis, quos ante
peccatum non senserant, erubuerunt,
inquit lib. 2. de nuptijs, & concupi-
scientia cap. 5. quando post inobedien-
tiam suam, inobedientia membra sen-
serunt; eo quia amiserunt donum in-
tegritatis, quod est vulnus naturæ, ut
pluribus explicat Suarez prolegom.
4. cap. 8. num. 6. & 7. & 19. his verbis,
homo fuit lessus in naturalibus, non
quia donum amissum fuerit naturale,
sed quia naturalem defectum aufere-
bat, seu illi subueniebat. Similiter di-
citur nudatus, quia spoliatus est ve-
stibus, quibus supponebatur vestitus
ad differentiam hominis existentis in
puris naturalibus, qui dicendus esset

nu-

dudus, quia semper caruisset indu-
mento iustitiae, ut ait Suar. Proleg. 4.
cap. 8. num. 19. & 20. ubi subdit, ho-
minem dici relictum semiuum, ,
quia prius habebat plenioram, & sa-
niorem vitam, quam per culpam
perdidit, quæ denominatio non ca-
dit supra hominem in pura natura, ,
in qua non præcessisset illa vitæ per-
fectio, nec peccatum. Ratio à prio-
ri, peccatum non potest diminuere
bonum naturæ, nisi per subtractio-
nem alicuius perfectionis, quam in
puris naturalibus haberet, vel per ad-
ditionem posituam alicuius habitus
inclinantis ad malum: non primum,
quia nulla in natura, vel potentijs,
& organis facta est diminutio per
purum peccatum originale, ut supra
innui: nec secundum, quia huiusmo-
di qualitatis non fuit auctor Deus,
ut pote non auctor mali; nec ipse
homo, qui antequam operetur, ne-
quit in se prauum habitum relin-
quere. Ideoque quidquid Philoso-
phus docet de intellectu, quod sci-
licet sit tamquam tabula rasa, appli-
can-

376 De effectibus
candum est pariter alijs potentijis,
quæ in ipso exortu nil habent in se
ipsis depictum, vel sculptum, ut per-
pendit Suarez cap. 8. n. 9. & 10.

218 Argumentor tertio homo
post peccatum primi Parentis nasci-
tur cum omnibus perfectionibus ,
imò , & cum concupiscentia , & fo-
mitie , quem habuisset in statu puræ
naturæ , in quo crearetur à Deo ,
ideoque dicitur à Patribus , & S. Tho.
1.2. quæst. 87. art. 7. ut notat Suarez
proleg. 4. cap. 8. num. 6. relictus suæ
naturæ , sed potentia concupiscendi
in pura natura non esset mala , neque
haberet adnexam qualitatem vitio-
sam , ergo nec in statu naturæ lapsæ ,
alioquin homo post peccatum non
esset relictus suæ naturæ , sed ut ita ,
dicam alteri , seu alteratæ à proprio
statu minor est certa , tum quia nihil
quod inest alicui secundum naturam
est malum , ut ait Dionys. cap. 4. de-
diu. nomin ; ob idque nullus habitus
naturalis est malus , tum quia Deus
potuit condere hominem in puris
naturalibus cum concupiscentia ,

vii

ut mox dicam. Maior vero probatur primo ratione, homo lapsus, & homo purus in perfectionibus naturalibus æquales omnino sunt, cum peccatum originis priuauerit naturam solis bonis gratuitis, de quibus fuit initum pactum cum Adamo, tamquam cum capite, non vero donis naturaliter debitibus. ynde bene concludit Suarez Proleg. 4. cap. 7. num. 10. homo per peccatum non amisit libertatem, quam in pura natura habuisset, sed ad summum vires, consistentes in dono integratatis, impossibilitatis, & immortalitatis, quibus etiam in pura natura caruisset, & hoc est quod uno verbo dixit Prosp. lib. 1. de vocatione gentium cap. 7. num. 10. *cum homo spoliaretur non voluntate, sed voluntatis sanitatem priuatus est.* Idem ferè lib. contra Collatorem cap. 19. secundo auctoritate, quia opposita propositio est 55. Michaelis Baij. *Deus non posuit talem ab initio creare hominem, qualis nunc nascitur.*

219 Respondet Henricus cap. 3.

§. 2.

§. 2. vers. unum obstat videtur, his
verbis, cum Baius Pelagianæ hæreseos
incusaret afferentes hominem talem po-
tuisse à Deo creari, qualis modo nasci-
tur, hinc ob infamiae notam, quam ap-
positæ sententia auctoribus inurebat,
eiusdem propriæ censuræ subiecta est,
& paulo post, cum Louanienfis scri-
ptor oppositam sententiam de creatione
hominis cum concupiscentia ab auctore
naturæ inserta Pelagianismi de more
incusaret, merito ob censuram eiusdem
propositio, uti scandalosa; proscripta
est. Sed hoc effugium clarissimè
eluditur, quia licet quamplures pro-
positiones Baij non damnentur ob
rem, quam continent, sed ob adne-
xam censuram, itaut damnatio ca-
dat supra censuram sententiæ, non
vero supra ipsam sententiam, atta-
men in re præsentii nulla ibi fit men-
tio de Pelagio, vel sensus à Pelagia-
nis intenti. Nec maioris roboris est
alia solutio, quam eodem loco sub-
dit, nimirum damnari allatam pro-
positionem, quia hæreticorum re-
centium errori à Tridentinis Patri-
bus

bus damnato concineret, illi enim mordicus sustinent, concupiscentiam esse peccatum. Sed neque hæc solutio est valida, quia licet Baius propositione 74. concederit, *concupiscentiam in renatis relapsis in peccatum mortale, in quibus iam dominatur peccatum sit*, attamen antecedenter, ad peccatum personale non agnoscit malitiam in concupiscentia, uti agnoscent hæretici damnati à Tridentino, imo voluit concupiscentiam potuisse à Deo cum natura produci. Tandem insufficiens est tertia solutio ibidem allata, videlicet damnari propositionem 55. relate ad propositionem 27. *integritas prime creationis non fuit indebita humanæ naturæ exaltatio, sed naturalis eius conditio*: in qua suppositione non poterat produci cum concupiscentia rebelli, cum qua de facto producitur, quia tunc fieret contra propriam naturam exigentem donum integratatis: Insufficiens, inquam, quia duos errores damnat Pontifex, unum concupiscentiam non esse proprietatem.

na-

380 De effectibus
naturalem hominis secundum se-
nudè spectati, alterum , non posse à
Deo produci hominem cum ista
proprietate naturali , etiam si Adam
non peccasset; cæterum addo, quod
licet Baius plura docuerit asserta à
Pelagio , non ideo Baij doctrina
non est damnata, aliter nec damna-
rentur plures hæretici, quia hæresim
ab alijs prius propugnatam defende-
rint .

221 Respondet secundo Hen-
cūs concupiscentiām , esse quidem
conditionem naturalem hominis ,
sed in pura natura fore diuersam ab
ea , quæ medo est in natura lapsa
post peccatum , eò quia nunc vehe-
mentius inclinat ad malum , quam-
quilibet habitus vitiosus , vt habet
cap. 3. §. 2. versu unum obstarē vide-
detur his verbis , concupiscentia licet
peccatum non sit , est tamen ad pecca-
tum inclinans , & quidem vehe-
mentius , quam quilibet actus vitiosus ab
homine contractus , & versu obisciunt
recentiores , explicans diuersitatem
concupiscentiæ viriusque status na-

tu-

turæ lapsæ, & puræ, sic habet. Si homo non peccasset, motus sensitui præcessissent quidem actus voluntatis, sed non inferendo vim, ac rationem graui impetu præoccupando, illamque absorbendo, ut de facto coningit, sed suauiter alliciendo, quod & in Paradiſo accidit, ubi non voluntatem cupiditas duxit, nec præcessit voluntatem, nec restitit voluntati, ut ait August. lib. I. operis imperfecti cap. 70. & paulo post subdens huius discriminis rationem, inquit, rectus ordo exigit, ut inferius à superiori, non vero superiorius ab inferiori moueat, unde optima hominls constitutio petit, ut pars eiusdem superior pleno iure in inferiorem utatur, non verò, ut ista illam sibi subiuget, ac supplantet; pertinet autem ad hominis pœnam, ac miseriam, ut more pecudum fortius à delectabili trahatur, quam ab honesto, & hoc prouenit ex ignorantia, quod alterum ex peccato originali in humum genus deriuatum vitium est, neque enim si perfectè honestum repræsentatur voluntati ab ista dimitteretur,

de-

382 De effectibus

delectabili electo. Itaque in illa præponderantia, & maiori vi in trahendo, quæ inest delectabili supra honestum in statu naturæ lapsæ, pars rebellionis appetitus sensitui contra rationalem consistit, ut scribit Augustinus lib. 5. contra Julianum cap. 3. si prudenter hic saperes, profecto esse iniquitatem videres, qua pars inferior hominis repugnat superiori, atque meliori, quapropter concedit hic Auctor potuisse Deum condere hominem cum concupiscentia, sed non cum prædomino aduersus rationem, præponderante inclinatione appetitus contra inclinationem superioris ad bonum honestum, ideoque concupiscentia in statu puræ naturæ non fuisset tam grande malum, quia non esset occupatum regnum à parte inferiori contra superiorem.

222 Ante responsonem aduento minus rectè asseri ab Henrico, concupiscentiam inferre vim homini lapso, eumque absorbere, ac vehementius inclinare ad peccandum, quam quilibet actus vitiosus, minus in-

inquam recte; primo quia proprius
actus vitiosus est magis inclinatus
ad similem actum, quam non proprius,
sed alienus capitis, ergo concupiscentia
orta ex peccato capitis,
non infert de se maiorem vim, quam
actus proprius vitiosus. Secundo si
concupiscentia in natura pura, & inno-
cente non inferret vim, sed alli-
ceret suauiter hominem, utique ho-
mo videretur fere habere donum
integritatis, quia licet allicientia ap-
petitus praecederet rationem, quam
non praecederet in natura integra,
attamen dum nullam inferret vim,
sed suauiter alliceret absqueulla vi,
videretur æquali fere facilitate pos-
se hominem bene operari, in utro-
que statu, ac proinde donum inte-
gritatis, non esset adeo mirum, & ex-
cellens, uti prædicatur a Patribus.
Tertio homo per peccatum dicitur
relictus suæ naturæ ex dictis, si er-
go hic non pateretur tunc talem
violentiam, ac vehementiam inclina-
tionis ad peccandum, nec modo
eam patitur ob meram contractio-
nem.

223 Respondeo igitur diuersitatē in modo operandi appetitus inferioris in natura pura , & lapsa sæpius ab auctore repetitam, obstatre dictis S.Dionysij, & S.Thomæ, qui passim enunciant hominem ob lapsum originalem non esse vulneratum in naturalibus , sed relictum suæ naturæ, quæ quidem derelictio, ut ait Suar. proleg.4. cap. 8. num. 6. & 7. non aliter explicari potest, quam quod homo relatus sit cum omnibus viribus , & perfectionibus , quas seclusa iustitia originali , eiusque donis gratuitis; postulat , & habere potest , ideoque Trident. sess. 5. Decr. de peccato originali , loquens de mutatione facta in homine per peccatum , meminit solummodo de amissione iustitiæ,& sanctitatis , ac perfectionum ex ea prouenientium . Primum , inquit , hominem Adam cum mandatum Domini in Paradiſo fuisse transgressus, statim sanctitatem , & iustitiæ in qua constitutus fuerat, amisisse, ob idque secundum corpus, & animam

in

in deterius commutatum fuisse, commutatione inquam posita in deperditione donorum, quibus tam anima, quam corpus perficiebantur, ut declarat idem Suarez cap. 8. num. 19. subdens cap. 9. num. 4. & 6. hominem in natura lapsa non minus habilem esse ad bene operandum, cogitandum, ac iudicandum de agendis ex parte diuinæ prouidentiæ generalis, & naturæ consentaneæ, quam esset in statu puræ naturæ, si in eo conderetur, vnde illud axioma naturalia manserunt integra post peccatum, non magis verum est de naturalibus extrinsecis ex parte hominis, quam de naturalibus, seu connaturalibus ex parte diuinæ prouidentiæ, quia hæc inter se seruant proportionem, & num. 12. de facto quoad naturalia seruat Deus cum homine illum naturalis prouidentiæ modum, quem seruasset in pura natura. hæc optime de more Suarez.

224 Ad hanc rationem ultimo loco allata m' aio bene constitutum fuisse hominem in puris naturalibus cum,

e.

R

ap-

386 De effectibus
appetituum dissensione, dummodo
pars superior retineat vires sufficien-
tes ad frenandam partem inferio-
rem, ac suo nutui subiectiendam, præ-
cipue quod hoc ipsum confert ad
meritum operantis, ut ex parte in-
nuit Suarez proleg. 4. cap. 2. num. 14.
& hanc solutionem expressis verbis
inuenio in August. lib. 3. de libero
arbitrio cap. 20. non enim, inquit, me-
diocria bona sunt, quod anima faul-
tatem habeat, ut adiuuantem Creatione
se ipsam excolat, & pro studio possit
omnes acquirere, & capere virtutes,
per quas, & à difficultate cruciante, &
ab ignorantia cecante liberetur, quod
si ita est, non erit nascientibus animis
ignorantia, & difficultas supplicium
peccati, sed proficiendi admonitia, &
perfectionis exordium. Non enim ante
omne meritum boni operis paruum
est accepisse naturale iudicium, quo sa-
pientiam præponat errori, & quietem
difficultati, ut ad hæc non nascendo, sed
studendo perueniat, quod si agere no-
luerit, peccati rea iure tenebitur, scilicet
quam, quæ non bene usæ sit ea facultas

se,

ie, quam accepit, quanquam enim in ignorantia, & difficultate nata sit, non tamen ad permanendum in eo quod nata est, aliqua necessitate comprimitur: & deinde sic concludit, etiamsi animæ alibi constitutæ eas misisset Dominus ad inhabitanda corpora, quibus in ipso ignorantia, & difficultate liberam voluntatem petendi, & quærendi, & conandi non abstulit, datus petentibus, demonstraturus quærentibus, pulsantibus aperturus, omnino extra culpam esset, hanc enim ignorantiam, & difficultatem studiosis, & benevolis euincendam ad coronam gloriae valere præstaret, negligentibus autem, & peccata sua de infirmitate defendere volentibus, non ipsam ignorantiam, difficultatemque pro crimine obijceret, sed quia in eis potius permanere, quam studio quærendi, atque discendi, & humilitate confitendi, atque orandi ad veritatem, ac facultatem peruenire voluerunt, iusto supplicio vendicaret. Hinc tria ex Augustino infero contra Henricum, & primo asseri à Doctore ignorantiam, ac difficul-

R 2 ta-

tatem non esse supplicium peccati ,
nec obijciendam pro crimine , vt
vult Auctor , sed naturalem condi-
tionem hominis : secundo non ne-
cessitari ad peccandum ex difficulta-
te orta ex hac ignorantia , & motio-
ne appetitus , ac multo minus more
pecudum trahi , ac necessitari ad
amplexum boni in honesti delectabi-
lis , vt aduertit S. Thom. quæst. 4. de s.
mal. art. 2. ad 10. concupiscentia se-
cundum quod est aliquid originalis
peccati , non nominat necessitatem con-
sentiendi motibus concupiscentiae inor-
dinatis , sed necessitatem sentiendi , quæ
manet post baptismum . tertio homi-
nem esse bene constitutum cum ap-
petitu diffensione naturali , quia pars
animæ superior habet facultatem
coercendi appetitum , illumque coer-
cendo , mereri . Quæ omnia conti-
nent doctrinam nostræ responsionis .
Quare dum Augustinus lib. 5. contra
Iulianum ait , iniquum esse , vt infe-
rior superiori repugnet , damnat ve
malam actualem reluctantem con-
tra præscriptum rationis , si vincat
ra-

rationem, & à ratione non vincatur, non verò potentiam ad reluctandum, dum ait, malum est, vt inferiora superioribus reluctantur, non quod possint reluctantari, & si reluctant, vincantur; distinguo igitur antecedens, malum est vt inferior actu contradicat superiori, & vincat rationem superiorem seu illam ad se trahat concedo: vt possit contradicer, item subdistinguo, si in parte superiori non adsit virtus illam cohibendi, ac merendi per ipsam actualem cohibitionem, concedo, si adsit talis virtus, nego.

225 Ex quo infero à me damnari in cōclūsione, & solutione argumentorum, reluctantationem partis inferioris contra superiorem, non præcisè & secundum se sumptam, seu per modum proponentis, nam hæc fuit in Christo tempore passionis, & fuisse in pura natura innocentia sine malitia, sed prout habet adnexam præponderantiam, & victoriam contra legem partis superioris, quam actu trahit ad amplexum boni in-

R 3 ho-

honesti relicto bono honesto . qua de causa difficultas , quam experitur quis prosequendi bonum arduum independenter à contrarietate appetitus sensitiui, tunc est mala , quando est victrix, non tamen quando est vici ta , & confert ad maius meritum operantis sine ullo demerito .

SECTIO VII.

Soluuntur reliqua obiectiones .

226 **O** Bijcit 1. Henricus cap. 3. §. 2. ex lib. 4. contra Iulianum cap. 13. duo bona inter se pugnare non possunt, pugnant autem inter se conscientia, & concupiscentia, cum ergo dici nequeat conscientiam esse malam, oportet fateri, rationem mali esse in concupiscentia : Rursus sic vrget idem argumentum ex lib. 5. cap. 7. nulla pugna est sine malo, sed quando pugnatur, aut bonum pugnant, & malum, aut malum, & malum, aut si duo bona inter se pugnant, ipsa pugna est magnum malum , cum ergo ex his duobus pugnantibus

fo-